



# Woordsoorte



<p><b>Die Selfstandige naamwoord</b> (<i>noun</i>)</p>	<p>Selfstandige naamwoorde verwys na groepe, mense of voorwerpe.</p> <ul style="list-style-type: none"> <li>* Selfstandige naamwoorde kan in die meervoud of verkleining verander.</li> <li>* Selfstandige naamwoorde kan manlike of vroulike geslag aandui.</li> <li>* Sit 'n DIE of 'N vooraan die woord om die selfstandige naamwoorde te toets.</li> </ul> <p><b>Soorte selfstandige naamwoorde:</b></p> <ul style="list-style-type: none"> <li>• <b>Soortnaam</b> (<i>common noun</i>) Kan meervoud of verkleiningsvorme hê bv. tafel, stoel, pot</li> <li>• <b>Eienaam</b> (<i>proper noun</i>) Name van plekke of mense bv. Kaapstad, Marie</li> <li>• <b>Versamelname</b> (<i>collective noun</i>) Dit verwys na 'n groep bv. 'n trop skape, 'n skool visse</li> <li>• <b>Abstrakte selfstandige naamwoord</b> (<i>abstract noun</i>) Woorde wat nie tasbaar is nie bv. liefde, haat, jaloesie</li> <li>• <b>Stofname</b> Woorde wat na minerale verwys bv. goud, koper, silwer</li> </ul>
<p><b>Die Byvoeglike naamwoord</b> (<i>adjective</i>)</p>	<p>Byvoeglike naamwoorde <b>beskryf</b> die selfstandige naamwoord. Ons kry byvoeglike naamwoorde wat <b>voor</b> en <b>na</b> die selfstandige naamwoord staan.</p> <p>Byvoeglike naamwoorde kan verbuig (change) word in;</p> <ul style="list-style-type: none"> <li>• Trappe van vergelyking</li> <li>• Intensiewe vorme</li> </ul> <p>Die <b>mooi</b> meisie. / Die meisie is <b>mooi</b>. Karel is die <b>slimste</b> in die skool. Die velde is <b>grasgroen</b>.</p>
<p><b>Die Werkwoord</b> (<i>verb</i>)</p>	<p>Werkwoorde dui die <b>aksie</b> (<i>action</i>) in die sin aan. Ons kry 3 soorte werkwoorde:</p> <ul style="list-style-type: none"> <li>• <b>Hoofwerkwoord</b> Dui die aksie aan bv. sit, slaap, hardloop, eet.</li> <li>• <b>Hulpwerkwoord</b> (<i>auxiliary verb</i>) Hulpwerkwoorde help die hoofwerkwoord Dit dui ook tyd aan bv. is, was, het, sal, gaan</li> <li>• <b>Koppelwerkwoord</b> Koppelwerkwoorde koppel (<i>connect</i>) die selfstandige nw. en byvoeglike nw. bv. Die kind <u>word</u> siek Die kind <u>lyk</u> siek</li> </ul>
<p><b>Die Bywoord</b> (<i>adverb</i>)</p>	<p>Bywoorde is woorde wat jou meer van die werkwoord of byvoeglike naamwoord in 'n sin vertel.</p> <ul style="list-style-type: none"> <li>• <b>Bywoord van wyse</b> (<i>adverb of manner</i>) <b>HOE</b> word die aksie gedoen - Die kind groet <b>vriendelik</b>.</li> <li>• <b>Bywoord van tyd</b> (<i>adverb of time</i>) <b>WANNEER</b> word die aksie gedoen. – Die kind groet <b>daagliks</b> vriendelik.</li> <li>• <b>Bywoord van plek</b> (<i>adverb of place</i>) <b>WAAR</b> word die aksie gedoen – Die kind groet daagliks vriendelik <b>op die stoepe</b>.</li> <li>• <b>Bywoord van graad</b> (<i>adverb of degree</i>) In <b>WATTER</b> graad – Die kind groet <b>vreeslik</b> vriendelik.</li> </ul>
<p><b>Die Voorsetsel</b> (<i>preposition</i>)</p>	<p><b>Voorsetsets</b> dui posisie of plek aan. Voorbeelde: op, voor, buite, aan, teen, met, aan, per, agter, binne, oor</p>



# Woordsoorte



<p><b>Die Voornaamwoord</b> (<i>pronoun</i>)</p>	<ul style="list-style-type: none"> <li>• <b>Persoonlike voornaamwoord</b> (<i>personal pronoun</i>) Staan in die plek van mense se name: ek, jy, sy, ons, hulle, julle</li> <li>• <b>Onpersoonlike voornaamwoord</b> (<i>personal pronoun - object</i>) In die plek van 'n voorwerp (<i>object</i>) dit / daar</li> <li>• <b>Besitlike voornaamwoord</b> (<i>possessive pronoun</i>) Dui besitting (<i>possession</i>) aan: myne, joune, ons s'n, julle s'n, hare, my, sy (manlike besitting)</li> <li>• <b>Vraende voornaamwoord</b> (<i>interrogative pronoun</i>) Vra 'n vraag: wie? waar? wanneer? hoe?</li> <li>• <b>Aanwysende voornaamwoord</b> (<i>demonstrative pronoun</i>) Dit wys na 'n spesifieke voorwerp, persoon of situasie. daardie, hierdie, dié</li> <li>• <b>Betreklike voornaamwoord</b> (<i>relative pronoun</i>) Tree op soos 'n voegwoord (<i>conjunctions</i>) en verwys terug na die onderwerp (<i>subject</i>) wie, wie se, wat, waarmee, waaruit Die glas <b>waaruit</b> ek drink, is gekraak. Die seun, <b>wie se</b> hondjie altyd los rondloop, bly langs ons.</li> </ul>
<p><b>Die Voegwoord</b> (<i>conjunction</i>)</p>	<p><b>Voegwoorde</b> bind sinne aan mekaar. Daar is <b>3 groepe</b> voegwoorde</p> <ul style="list-style-type: none"> <li>• <b>Groep 1</b> – maar, en, of, want, dog – <b>SCS</b> Sarie hou van appels, <u>maar</u> Pieter hou van piesangs. <b>S C S</b></li> <li>• <b>Groep 2</b> – dan, daarom, daarna, dus, al, toe – <b>SCVS</b> (altyd 'n komma voor al, dan, toe. Die res <b>kommapun</b>;) ) Hulle oefen rugby; <u>daarna</u> gaan hulle fliék. <b>S C V S</b></li> <li>• <b>Groep 3</b> – dat, sodat, voordat, nadat, alhoewel, terwyl – <b>SCSV</b> (geen leestekens voor die voegwoord) Ek speel met my foon, <u>terwyl</u> ek televisie kyk. <b>S C S V</b></li> </ul>
<p><b>Die Telwoord</b> (<i>number words</i>)</p>	<p><b>Hooftelwoord</b> dui presies die hoeveelheid (<i>amount/number</i>) aan:</p> <ul style="list-style-type: none"> <li>• <b>Bepaalde hooftelwoord</b> een, twee, drie, een honderd</li> <li>• <b>Onbepaalde hooftelwoord</b> talle, weinig, min, verskeie, baie</li> </ul> <p><b>Rangtelwoorde</b> dui die rang (<i>ordinal number / list</i>) aan:</p> <ul style="list-style-type: none"> <li>• <b>Bepaalde rangtelwoord</b> eerste, tweede, derde, vierde</li> <li>• <b>Onbepaalde rangtelwoord</b> laaste, middelste, meeste, minste</li> </ul>
<p><b>Die Lidwoord</b> (<i>article</i>)</p>	<ul style="list-style-type: none"> <li>• <b>Bepaalde lidwoord</b> Dui iets spesifiek aan <b>die</b></li> <li>• <b>Onbepaalde lidwoord</b> Dui nie iets spesifiek aan nie <b>'n</b></li> </ul>
<p><b>Die Tussenwerpsel</b> (<i>interjection</i>)</p>	<p>Die tussenwerpsel word gebruik om 'n <b>gevoelswaarde</b> (<i>emotion</i>) uit te druk;</p> <p>Agge nee! Aitsa! Hoera! Jittetjie tog! Jipee!</p>